

"Voz di mi Tera" ta e di tres obra produci pa Ruben Odor, cual yen di calor humano y sensibilidad, ta dedica completamente na Aruba y e cultura Caiquetio, cu ta identifica pueblo di Aruba cu su origen.

Un obra precioso, unda cu di un manera simple Odor ta plama su inspiracion riba papel, di e mesun manera cu un yiu respetuoso y yen di amor ta papia cu su mama, den e caso aki su Patria.

E acto di entrega oficial di e obra na directora di Biblioteca Nacional, tabata na encargo di e mayornan di Ruben Odor. Ruben Odor a gradici su mayornan y su familia, por cierto un ehemplo di union y sosten di un pa otro, pa nan apoyo constante.

Tambe a entrega un ehemplar na Sr. Hubert Booi, kende Odor ta considera su maestro den e preparacion di e buki di poesia aki, cual ta un compilacion di poesianan skirbi desde hopi aña atras, y tambe a entrega otro ehemplar pa Sr. Jossy Mansur, director di DIARIO, kende a yuda Ruben cu coreccion di Papia-mento, pero na prome lugar

contra tiempo e no por a presentá e buki promé, pero ta masha contento cu e por a hacié awor.

E buki ta contene un gran coleccion di poesia dedica na flora, fauna y sitionan di Aruba cu poco poco ta desapareciendo tanto den nan existencia como den nomber. E no tin nada contra proyectonan pa desaroyo economico pero si hopi vez nos ta lubida e balor di e matanan, animalnan y e lugarnan cu tanto ta nifica pa nos isla y nos hendenan.

E poesianan tin palabranan poco usa awendia y e contenido ta un nostalgia pero tambe ta lanza un protesta. E presentenan a disfruta di e